

佛祖統紀卷第十六

宋景定四明東湖沙門 志磐 撰

昆三

諸師列傳第六之六

息菴淵法師法嗣 廣智下 第五世

雲

淨杜處廉法師 圓辯道琛法師

智涌然法師法嗣 神照下 第五世

昆三

覺雲智連法師 澤山興成法師

赤城中益法師 白蓮智圓法師

山堂元性法師 白蓮妙璘法師

白蓮清悟法師 白蓮子侔法師

虛堂本空法師

真教仙法師法嗣

雲

雲

證悟圓智法師

超果道法師法嗣

德藏從進法師

通照明法師法嗣

報慈慈堯法師

竹菴觀法師法嗣 南屏下 第五世

北峯宗印法師

智行守旻法師

神辯清一法師

牧菴朋法師法嗣

顯菴法昌法師

隱學本然法師

永福智亨法師

天王道用法師

月溪法輝法師

浮石子慧法師

能仁懷寶法師

祥符忻法師法嗣

悟空善榮法師

清修久法師法嗣

慈室妙雲法師

澄覺煥法師法嗣

覺菴簡言法師

假名港法師法嗣

車溪智欽法師


法照皎法師法嗣

則菴明哲法師

醴泉行環法師



雪溪勝頰首座



能仁道山法師

布金覺先法師

圓照光法師法嗣

超果宗肇法師

東靈欽法主法嗣

揚尖利淵法師

息菴淵法師法嗣

法師道臻温之樂清彭氏賜號圓辯母夢紫

昆三

二



氣榮身而生年十八具戒初學律儀未幾去  
從息菴於法明微言妙旨一聞便領後至南  
湖依圓照既歸鄉出主廣濟十二年遷廣慈  
建炎三年車駕幸永嘉有旨以林靈素故居  
為資福院丞相呂頤浩以師應詔嘗以僧伽  
梨質未於市夜見流光煜煜旦即捧還山苦

無水指工鑿井得古碑有天康字南朝陳文帝泉  
 涌其下祭清江岸每以頽倒為患咸謂鬼物  
 所繫吏民請為授戒神附語致謝門人清順  
 夢延慶諸祖來謁侍者持位圖於夢而闕其  
 第八順指問之對曰汝師將補其處及後居  
 南湖果第八世嘗專修念佛三昧忽感悟曰  
 唯心淨土一而已矣良由彌陀悟我心之寶  
 刹我心具彌陀之樂邦雖遠而近不逾一念  
 雖近而遠過十萬億譬如青天皓月影臨萬  
 水水不上升月不下降水月一際自然照映  
 一日於禪定中見一老宿坐禪榻上顧謂師  
 曰吾四明也師驚喜作禮問曰道環於一家

習氣法相未能通達乞垂指教尊者首肯之  
 及覺心地豁然自是山家言教觀者皆稟師  
 為正紹興十二年圓照告老舉師以代寺經  
 虜寇焚蕩之餘師誠心所感施者自歸歲月  
 之間棟宇悉備因行法華三昧感普賢放光  
 慧辯愈加郡大旱請禱兩師以郡政苛猛言  
 守感寤出囚徒數百人是夕大雨有久病者  
 為說法施食多愈育王謚禪師疾往視之歸  
 語衆曰大言無當終不得力乃於月二十三  
 日建淨土繫念會道族至萬人與雪竇大圓  
 禪師為道交臂請說六即義聞而歎曰師如  
 此說應會悟邪答曰若不因悟何敢對老師

說一日講至六羅漢義學者請說斥之曰小乘法相說之何益當為說經王義熙翻三日一語無重紹興二十三年十二月十六日集衆諷觀經晝夜不絕衆聞異香盈室師曰佛未接我即沐浴更衣晝偈曰唯心淨土本無迷悟一念不生即入初住令諷安樂行未終

嗒然坐亡留龕稱月顏體如生矣全身于堂法祖塔之側

智涌然法師法嗣神照下第五世

法師智連字文秀錫號覺雲四明鄞邑杜氏受業棲心崇壽年十八受具戒古貌修幹有長松野鶴之態明智見之曰僧中鳳雛也初

從圓照學于南湖晚依白蓮智涌頓悟圓旨及歸鄉代講延慶建炎後歷住五刹皆兵燹之餘化瓦礫為金碧出於指顧時圓辯重興延慶未就而逝師適訪宏智同登千佛閣智曰聞四明談空中有相是否師曰然智以手指云太虛本無一物師指山川樓閣曰此諸

物象復是何物智大服其言歎曰南湖之任非師而誰即薦於郡領事十年講無虛日而衆宇畢成太師史真隱佚老于鄉每過徒問法要真隱曰師於禪律亦貫通邪師曰水泮雪消固一水耳又問華嚴般若似太支離師曰支離所以為簡易也揚子何遜之支離真曰已簡已易馬支離真

隱肅然服郡師丞相沈公屈居僧職以老病  
辭公手札勸之曰師行業清修力荷宗教自  
宜表正一方紀綱諸利幸勿固辭自絮其志  
師即領命諸方服其清整一日感疾謂侍人  
曰一切無礙人一道出生死華嚴復撫掌大  
笑曰我自幸至此鍾鳴吾逝矣時隆興元年

昆三

四

十二月十八日火浴得舍利葬骨于崇法祖  
塔之旁得法上首月波則約

太師真隱居士贊曰瞻彼連師色粹而温  
禮義是習詩書是敦雖精止觀實祖儒門  
鶴飛寥廓蟬蛻塵氣遂令聽者去縛解紛  
五住大剝藉藉有聞晚居延慶其道弥尊

永樂北藏

佛祖統紀

伊惟台教垂裕後昆前有法智後有覺雲  
意此幻影與法常存石刻在月波山  
論曰聖賢應世之迹非世情所能測識也  
夫覺雲一代明教之師其於亡日如知所  
歸出生入死固非常人所可擬倫然則託  
形儒相之家居相位二十七考中外靖安  
其勲業盛大矣而又能大護佛法尊敬僧  
寶是蓋大權施化示現宰官者之所為也  
釋迦本時或為儒林之宗或居輪王之位  
聖寺沙彌為蘇文宣回向寺僧為唐明皇  
近則五祖戒師為蘇文忠卿邪山叢僧為  
張文定庸詎知回機轉位不為佛不為祖

第一九九册

邪良渚謂撫掌自笑宜得所歸而復來此  
土位極人臣以茲為疑者其未善論事若  
此

法師與咸字虛中黃巖章氏賜號明祖母  
故白蓮惠師遺黃柑令食之及寤齒類猶香  
生七歲依香積出家首謁智涌涌奇之曰祖

昆三

五

位再來也學成以妙年居第一座涌沒證悟  
為繼已而悟遷上竺乃舉師以代聚徒既多  
歲復大歎及分衛吳中施者唯恐自後信安  
王孟公問十六觀義師曰佛國在十萬億刹  
外而提封不越方寸若克循觀道則往彼非  
遙也資政鄭公問楞嚴八還師曰迷心為境

八法替亂達大觀者一念自反二公皆感悟  
歲歲為遺供日下郡太守入山見池中紅蓮  
問曰既是白蓮因甚卻開紅華師曰山中并  
喜君侯至任是無情亦改容又指看經羅漢  
白既是無學如何看經師撫羅漢背云何不  
祇對師倦於酬應歸閒受業會赤城益師亡  
郡以為請萬年一禪師來訪見牀上小冊記  
回買常住物一錢不遺歎曰我於道無愧行  
不及師嘗於法輪寺施成當請聖師泉觀寶  
光下燭有梵僧立空表禪安之餘常誦空品  
至本性空寂則入定數日至生死無際則大  
恸不已其體法真切若此隆興元年五月別

叔端坐念佛而亡。瘞於寺之東岡。乾道三年夏復從本毘五色舍利無算。所著菩薩戒疏注三卷。金剛辨惑一卷。復宗二卷。法華攝要一卷。素精於易折衷諸解。以自名。本取諸成。因號澤山叟。  
 法師中益。早親智涌。涵境觀。富辯說。人以此敬服焉。主上虞等。意遷赤城。講貫之餘。即入禪懺。旦夜以繼。未嘗少間。錄智涌教義。號虎溪集。  
 法師元性。自號山堂。從智涌得教觀之旨。居白蓮日講。次至天主義。有學者新至。作論破之。有取其論。白師曰。此新學逆路之見也。請

讀之。師笑曰。汝但學得它。作論我。豈容得著。山堂集五卷。法華文句科十卷。法師子侔。字海盧。氏既圓淨。父從智涌學。有聲當世。晚主白蓮學。徒如市。以供給。屢之。將隄海為田。歸以告其母。母以白金一笥與之。曰。為衆辦事。佛必鑑之。母慮其不成也。卒就役。得田千畝。衆賴以濟。  
 法師本空。四明奉化人。自號虛堂。父姓徐。為農。每高僧過門。必款接。加禮。母夜見神光。適室因而有娠。為兒。異倫。等蔬食。誦經。志在出家。年十四。依尊勝法。存剃髮。初從智涌受教。觀自白蓮。首舉出主明之。永明遷治。平導熙

初皇子親王牧四明尊其道製疏請主資教  
 夏中首座將開妙文師止之曰自有講席以  
 來諸老立法謂首座之職未出世者止講小  
 部若已出世已講小部者方可開發大部事  
 存謹遜此舊章也若韓那則點讀四教儀類  
 集耳以次而進無自運也後遷白蓮大揚宗  
 教久之歸閒受業日以往生為正念紹興三  
 年三月三日別眾就座書偈而化東掖學徒  
 來迎全身奉化緇素投障止之乃前須髮分  
 塔東山而葬全身于尊勝師行不回顧坐不  
 倚物盛夏不持筴祈寒不附火高座講唱辨  
 析精微使利鈍皆有所入人以是尊慕之

真教仙法師法嗣  
 法師圓智黃巖林氏母夢老儒寄宿而生幼  
 聰敏不好弄書史經目悉能開說醫方卜筮  
 無不精究嘗往隣寺聞講觀經歎曰落日之  
 處故鄉在焉今日得聞如獲家信暨出家受  
 戒即依真教于白蓮學通教觀嘗問具變之  
 義真教拍籠曰如此證者離性絕非本自  
 空寂理則具矣六凡四聖所見不同變則在  
 焉性口具知殊具實即理具三千變如師不契後因掃  
 地誦法華至知法常無性佛種從緣起豁然  
 有悟以白真教教曰法華止觀此為喉襟汝  
 今有悟大事斯畢自是遊心道妙五日輒一

勝或邀縱步則曰吾之遊異於是明憲澤几  
 舒卷函囊奉五佛歷三周若闕止觀則十境  
 十乘見祖師於塵劫之表居東山十有四年  
 兩判千衆推爲前列每患學者困於名相勉  
 同人曰是真精進便是向上機關每半月必  
 行布薩或曰圓頓之宗何必如是師曰圓家  
 事理一念具足所謂圓頓者豈擬事求理邪  
 吾於常時未嘗不以波羅提木又爲之師扶  
 律談常正在茲日郡請主祥符殿撰劉公問  
 教中一句如何舉揚師曰即事而真公領其  
 旨自撰疏請主鴻祐士夫欲其近城請居日  
 山歷遷白蓮赤城慶善化道日起紹興二十

三年奉詔主上竺災燼之餘僅存大士殿有  
 哀金爲造門廊者歷家言主星不利師曰佛  
 與天星同一造化苟寶坊輪奐吾亡何憾未  
 幾果微恙夢仙人飲以天液所患頓愈神衆  
 加異於前二十七年夏早詔於明慶講經廢  
 散而兩洽嘗抵寺莊聞用牲祭曰何可違備  
 禁邪卽爲神說戒易以素饌二十八年督土  
 木甚速至冬衆宇咸備十二月十二日示疾  
 預爲書別道俗書偈坐亡塔于寺東初是普  
 覺日住山之末年夢羅漢來自天台踞坐主  
 位已而師至住無相日夢寶頭盧來謁授山  
 茶一器人知師爲五百人中焉桐江瑛句持

知解遇荆溪留意辨明處斥為穿鑿至云妙  
樂可毀設十難問學者莫敢與抗師作攻瑛  
集追破之讀者一快恨二師不並世也

超果道法師法嗣

法師從進妙年聰辯為學早成久依超果具  
得其道出主德藏講訓有法學者歸之多述

昆三

教義發明所得作楞嚴解尤稱高妙示寂之  
日留龕月餘容色不變及從火浴舌根不壞  
若紅蓮華

竹菴觀法師法嗣

南屏下  
第廿四

法師宗印字元實鹽官陳氏號北峯師慧力  
德鄰年十五具戒首謁當湖竹菴得教觀之



自凡諸相格言必誦滿千徧入南湖修長機  
周氏延以菴居以租量非法勸革之歲減五  
百斛往謁象田圓悟演反質西來意師答曰  
有屈無叫處演肯之智者忌辰夜炷香殿纏  
悲泣失聲演感其意以厚禮送歸南湖嘗思  
寂光有相之義聞空聲云寂光土體如水中  
月資教空虛堂延居座首堂著宗極論扶智  
涌軍理各立一性之旨師設九難宗極為之  
義負通守蘇珙觀不二門以文雖簡而味其  
說師撮示機要珙即領會白師座請居正覺  
颯風飄落颯音夫不海詳那多狂風颯其  
四方之風也東坡有颯颯賦僅存藏殿師  
守死不去風為之止有請為廟神授戒去血

食者先感夢往赴它廟尸祝神語求易祭者  
十數祠遷主隱學未久玆亦召還要師併行  
曰盍西還相與弘贊居東二十七年至是復  
及湖右貳上竺講止觀深礎學者支離名相  
之病園座挾策主者以得士爲忌去隱雷峯  
毛氏菴問道者沓至杜氏建普光一區具禮

墨三

九

迎之禪講並行法道益盛適德歲來請師曰  
肄業之地思報久矣歷遷超果圓通址禪道  
德之譽既行土木之績亦就海空英辭靈山  
舉以自代詔可之學徒五百咸服其道宿弊  
舊習爲之一革寧宗素開師名召對便殿問  
佛法大旨語簡理明上大敬說錫賚甚渥賜

# 永樂北藏

## 佛祖統紀

號慧行法師嘉定六年以營觀室行化吳中  
至松江弟子行一菴謂其徒曰吾化緣畢此  
即右脇安庠而化時十二月八日也歲龔子  
慈雲塔旁師三衣準律五辛剛制道力純至  
幽明俱感格邪拯滯除瘵息孺一有祈叩無  
不得愈常謂講者須備三法肅威儀以臨大  
衆提大綱以盡文義具宗眼以示境觀備此  
三者依佛駕說所著金剛新解釋弥勒偈頌  
示天親難什同異之意考正此經諸本即則  
之文最爲有據述教義百餘章尤爲學者傳  
錄嗣法有聞者古雲元粹十餘人日本傳教  
者俊苾一人仕官儒生受道者三數人獨佛

## 第一九九册

光法照繼世盛大有光祖父之道

牧菴朋法師法嗣

法師法輝字明叟號月溪台之臨海徐氏依  
多福西茶院真悟誥師落髮從牧菴于能仁  
學通教觀暨遷南湖即俾為內知客平心贊  
助內外以和與印元寶登聖道月光遠為同

志友日以此道相問辨及歸能仁遂座首淳  
熙初出主浮江香積尋徙赤城紹熙二年遷  
聖水嘉定間亦城有去思師為歟詢久之聖  
水復來迎師亦不拒嘉定己卯秋無疾而亡  
塔于西隩師講吧法華深符祖意發明正義  
酷似牧菴謝克家錢象祖二鄉和素所尊敬

而師執心謙靖未嘗許其進人以是高之  
祥符忻法師法嗣

法師善禁鳥程潘氏賜號悟空母初妊娠即  
屏葷血臨產之夕有光二道自天下徹其廬  
已而產二男歲餘皆病亡其一相者謂其母  
曰若不出家恐亦未保乃舍入法慈寺七歲

受戒學教於清辨忻師紹興末自祥符座元

出主太湖之寶林歷慧通車溪講道大播淳  
熙癸卯越帥李參政請主圓通親為疏云佛  
菩薩本自無心有緣即應士大夫何嫌異教  
惟道是從人皆喜誦其語一日微恙屏人事  
坐榻上問病進藥皆不答越七日溘身易衣

跌坐方丈寂然而化闍維之時求舍利者如其願必得之著大部決疑集四卷行於世在車溪日入蔬園見菜葉小蟲無數歎曰哀哉一餐何多殺命於是一夏唯白湯下飯嗣法紫金法通

清修久法師法嗣



法師妙雲四明楊氏自號慈室徧詢教席津發妙解從久無畏詣玉几參大慧益有省悟無畏主清修師與逸堂諸賢旦暮請益及同受通相三觀之旨紹興十九年無畏沒衆請師為繼淳熙初遷慈溪永明以所得悟意述圓覺直解其序有云巨儒老納讀此必曰既

永樂北藏

佛祖統紀

云直解何用是世科為聞者為一笑嘗聞居東湖二靈以詩遺丐村市云山環湖水水環山短艇白鷗窻几閒野外更將供給至飽參著得十僧闍時人誦為寶錄郡請尸南湖日事講貫學者如市居二年以疾辭居溪口吳氏菴一日往別吳君歸越三日濕身易衣跌

尾三

十一

空室中謂侍人曰吾有辨香藏之三十年將臨終供佛仲報大恩今其時吾將有行及香煙正熾起白佛陳請求歸安養就座合掌而化師為學得旨尤善寫說詩頌翰墨妙絕一時南湖祖堂以師居位日淺不立像耆老評之曰昔竹菴牧菴居此皆二年議者以道大

第一九九册

名重不得不立今慈室何憐於二老哉於是亦立位嗣其法者廣壽正皎明八  
首座時頽字聖徒自號雪溪四明奉化人幼試經得度教費揮府無不咨詢三教百家無不綜練嘗從父無畏親受觀法自謂造師籙籙及無畏亡撰銘文以寄得法之意師志氣剛正廣衆畏服文藻高妙後進愛慕於是聖徒之名播天下不惑之前所寓必居記室知命之後所至必踞座端諸方屢舉出世皆固辭不就嘗步菜畦見糞蛆毳聚以殺物之多不復茹蔬唯買海苔三百六十片日取其一以供粥飯晚歲自省謂文字餘習無補於道

乃住桃源厲氏菴專志念佛一坐十年精進不懈謂友人張漢卿曰淨土之道豈有一法可得珍臺寶網迦陵頻伽此吾佛方便誘掖之法耳但於修中不見一法則寂光上品無證而證漢卿曰予固已信解媿未能勇進耳扁所居小軒曰憶佛作詩以見志有云隨波逐浪去翩翩彈指聲中七十年豈不向來知憶佛欲從老去更加鞭臨終預別親友沐浴更衣西向觀想忽稱佛來合掌而化師隱居之日有司以免丁進慈室誦之曰天下豈有讀萬卷書爲高士行猶欲以丁錢責之邪主司嘉其言得不問

蘇

澄覺煥法師法嗣

華

法師簡言自號覺老依澄覺學通其有博覽強記獨擅一時嘗講妙玄升座高拱暗索本文不失科節圓詮妙法旁敷教相事理樞實莫不粲然嘗謂新學曰人苦於寡學若深歷歲月熟覽典誥自然左右逢源了達祖意不

凡三

十二

為一文一義之所滯感均可從事於講說之

際聞者心化

法照皎法師法嗣

華

華

法師明括明之鄆邑周氏自號則菴母夢吞寶珠而生十八具戒即遊學諸方依能仁法照受教觀一時會中同名者有十括之稱而

師最顯著復徧參禪林見天童宏智育王大

憲國清愚谷無不期以大器嘗曰業林所謂

直指人心見性成佛即吾宗介尔有心三千

具足也宏智聞之曰觀子妙解宜歸弘教初

主昌國超果遷覺海隱學未明篤志講訓無

虛日學者不敢以假告郡帥范成大請主南

湖一時聽徒皆四方英秀來者唯恐其後成

相謂曰登龍門者正在今日師日誦小般若

經稍涉人語便即重誦謂不當以凡言雜聖

典也六月十日

圓照光法師法嗣

華

華

法師宗肇四明人初之南湖見明智晚入圓

照室俾之貳講出主興教遷壽聖自樞建炎  
 之危僅存大殿茅茨數百椽殘僧十餘輩處  
 之裕如常曰諸佛大士徧法界建佛事而雲  
 漢咫尺之地不能有為亦緣力不足耳縱我  
 能為之何足為道祇陀給孤所施無慮億數  
 而雲漢咫尺之地不能有成亦緣力不足耳

十三末

縱我能成之何足為多但知服勤講導篤志  
 修進以報佛恩可尔既而來學日臻擅施日

至棟宇為之鼎新

東靈欽法師法嗣

法師利淵博通三藏旁貫五經學富道高世  
 稱為洲教藏要傳東靈之道弘法揚尖聚眾

三百日事講演出入經論莫測涯涘由是後  
 學多尚泛辨

佛祖統紀卷第十六

昆三